

光緒乙未重修

虞城縣志

世德堂藏板

虞城縣志目錄

卷之一

圖考

沿革

星野

疆域

形勝

城池

卷之二

山川

村市

堤溝

古蹟

風俗

物產

地丁

驛站

橋梁

卷之三

公署

學校

廟祀

郵政

卷之四

職官

名宦

卷之五

選舉

徵辟
例監

進士
武科

舉人
武職

貢生
恩封

例貢
恩蔭

卷之六

人物

名臣
賓飲

忠烈
敬老錄

孝子

義行

流寓

卷之七

列女

節婦

烈婦

烈女

孝婦

賢母

卷之八

藝文

勅命

疏

頌

序

記

卷之九

藝文

書

說

誌銘

傳

議

攷

錄

牒

詩

卷之十

雜志

新增

人物

名臣

許

容

字涵齋號季偉誥授光祿大夫內閣學士兼禮部侍郎前任甘肅江蘇湖南巡撫都察院右副都御史公生而清嚴絕俗不

愛名譽官內外者三十餘年凡所陳奏概不存稿是以正直之名風聞海內而未知其詳也公自孩笑時即多奇徵曾省父於江南渡江舟覆公於波浪中亭身直立水止及腰下流五十里餘覺足下有物負之遇行舟而得上見者無不驚異早知公之非恒流也是冬入庠辛卯中北闈鄉試甲午授陝西府谷縣知縣甫蒞任即分校棘闈榜放所取士來謁諭之曰余爲國家取士非樹私門桃李後各

宜努力前進不必遊吾門也多士聞之無不凜然府谷舊產石花魚歷有供上城數近絕其種而上憲檄提如故魚戶百餘家無力辦解多有呼號鬻兒者公廉訪得實捐俸各給銀三兩往辦起解隨具文詳陳復見各憲面懇始蒙裁革時用兵西鄙奉掾於苦水台坐台運糧寢食沙漠與運夫共甘苦且台名苦水飲其水者卽泄瀉死公乃出已貲買水於二百里外以飲運夫始得各全性命又委喂養駱駝雖有家人管理公必親行往視且常夜起查看故一年之中他官所養多倒斃而公所養者無恙也上憲咸知公才因保舉隨大將軍入藏送佛督運糧餉後則一概軍需咸委料理五年餉無匱乏而軍務井井有條歲西藏平由四川打箭爐入口離口七百餘里而運夫盤費皆盡多疆餓於路公自出文書於制府衙門領借銀兩分給之始得全還中國入都議叙補工部屯田司員外郎未幾

引見蒙

天語褒嘉

擢廣西道

監察御史

奉

命巡視

皇陵道路

沿途凡有不法

官如遵化州者立彈之更有奸棍假托藩府

勢霸占山口逐商漁利公不避嫌怨據實題

叅立置之法自是而遐邇咸肅清矣年大將

軍彼時薰焰傾中外值其入都凡在京官無

不往迎而拜謁公獨不往同官多勸之且云

彼領軍時公曾効力軍前且於入口時曾領

借其銀兩更不可以不謁公笑而不應後彼

事敗勸者乃服其公於邪正之途確有定見

定守焉甲辰復入順天闡所取士亦如在陝

歲十月轉口北道仍帶御史銜訪挈豪棍李

二虎等以奠民生乙巳三月轉陝西糧道

欽賜素緞四聯抵任查通省糧米數十萬

石米皆不堪往日交代時後官但受前官賄

囑一概收受所苦者領糧之兵耳公據實題

奏請令前官換補卽陞陝西按察使河東鹽

弊叢生公據實題奏卽以公攝鹽院兼署布

政司及都司三衙門諸鹽商來謁概不許見
後陞浙江布政使浙江錢糧歷有擢移虧空
聞公將之任皆設法補足又數月陞浙江觀
風整俗使極貪官汚吏卽行叅挈公自知縣
以來凡舊有陋規一概裁革是歲戊申丁內
艱欽賞銀一千兩以爲塋費未踰月卽
有甘肅巡撫之命雍正七年五月到蘭州附
摺奏聞蒙世宗憲皇帝欽賜人參貂皮
寧絀御書福字十年又賜錠子藥果乾獮乾
貂皮等物十一年又賜錠子藥果乾獮乾
各一匣十二年又恩賞夏葛二疋貢扇
十柄香囊十枚數年而蒙賜二十一次觀
病聖恩之深重而公之功績可知矣後公染
病曾告人曰八年撫甘心血耗盡今之病其
根在此公一生盡忠報國多在撫甘一任其
所陳奏多有不便於同官者是以兩被捏叅
解送刑部庭訊之下毫無確據執法者據實
以聞上鑒其忠直被謗特命爲山西

布政使晉省火耗獨重於他省公嚴行申飭
盡行革去未幾調江蘓布政使到任

欽

命巡撫江蘓淮安一帶舊有堤一道巨綿數
百里自宋以來築之以防海水日久衝壞

水一入而難出下流壅塞居民受害公甫到
任卽會同督院清查入告已可其奏而公又

丁外艱矣歲庚申忽奉 特旨巡撫湖南
時亦有苗民逆命之故 上諭云昔有以

墨經從軍者不得以服未滿辭公勉強受
命是年衆 賜御選唐宋文集避暑山莊法

帖各一部公訪得湖南錢糧積弊首先禁止
歷年之民困頓除又訪得土棍有跑檣錢掌

相提相植相諸名色黨羽多人散處各邑密
挈陳登文等二十二人而惡風頓息及衆

聖恩署湖北巡撫 命已下而又爲議者
所阻公自是遂掛冠不出矣庚午春 駕

幸嵩山公帶病迎 鸞衆 天語慰勞補放
內閣學士兼禮部侍郎 賜以宴公以病辭

蒙恩賜蟒緞二聯准其回籍調理方漸
戴巨鰲之山莫比恩重稔思竭塵露之微稍
裨山海詎意駒隙迅速歲在昭陽協洽舊恙
增劇月逢攝提三灵罔效於乾隆十六年正
月二十八日辰時壽享
六十六歲一夢俄終

葛峻起

字岷瞻由工部主事提陞員外郎擢授
京畿道監察御史歷任工科給事中提

督四川雲南學政丁卯科山東副考官取士
務求實學花紅酒醴皆捐廉賞給一時稱極
盛焉解任之日囊無餘貲清廉之譽內外交
推轉補吏科掌印給事中陞授京堂任順天
府府尹以風節嚴峻忤當路左遷太僕寺卿
遂致仕兩袖清風唯以詩書裕後子弟多擢
巍科著有日昇樓文稿及使蜀使滇詩稿

韓

禮

字方儒生不踰時而卽失恃祖母扶養
之有未出閨之姑母教訓詩書幼勤誦

讀未冠入庠壬午領鄉荐壬辰大挑教職歷
任九處皆開館教訓生徒誦聲載道學憲
計功獎勵其在新鄉訓導任時值歲歉奉委
放賑撲蝻民得實惠蝗不爲災而且委贖庄
田人不失業委埋餓殍澤及枯骨藩憲嘉
其辦理妥協補授裕州學正蒙部掇取辭
膺民社專事講席受業者數旻瓊林屢歌鹿
鳴壽登七十餘歲三子八孫人以爲積德之
報云

劉夢熊

字礪溪性情純孝聰穎嗜書少遵庭訓
盡心研究不數載入邑庠旋食餼中道

光乙酉舉人登乙未進士授直隸望都縣令
奉調通州刺史因母夏氏年老乞歸杜門奉
養晨昏定省酒肉供親無不曲盡子道迄至
母年八十四歲忽得重疾親侍湯藥不假他
人之手百番調治一病不起公哀毀逾常痛
不欲生有朋來云孝於親尙未忠於國也公

無奈服除出山王子四川鄉試同考官授內
江縣令下車訪聞有殺耕牛者最多拿辦屠
戶李狗一人出示嚴禁並作戒殺牛文板存
川省內江博學齋書坊苦行勸戒風俗漸易
捐修花萼書院諸生肄業公按課比較文風
日勝由是鄉會接踵至於愛民諸事不可勝
舉咸豐三年土匪作亂公輸五千金以助軍
餉因眼疾致仕臨行時士農商民跪留於道
勒石頌揚以誌善政云

袁

良

字止善素性孝友鄉鄰有善體親心之
譽由武進士欽點營用守備補福建汀

州右營守備歷陞邵武都司福協都司歷署
甯德遊擊咸豐三年統軍防守浙江秋七月奉
檄征勦永安賊黃有使統帶興化軍三百名
破賊數萬之衆因攻賊巢巖洞寨被飛炮傷
於左腿四年夏六月統帶福甯軍五百名防
勦池州十二月征討温州妖民伏誅五年防

勦潮州平溫州王節度獎授軍功藍翎三
品頂戴陞補漳州右營遊擊六年統帶福甯
軍防守建寧駐紮百丈三隘江右流寇數十
萬盤踞三隘之下亘數十里親督兵勇上隘
防守六晝夜不輟賊未敢窺伺其境所到之
處紳民皆以老師呼之徵伍之時紳民人等
扶老携幼沿途焚香把盞至有慟哭流涕者
五十里不絕衆紳民所贈匾聯無數嗣後統
師勦賊帳下弁兵恪守將令經過州縣撫良
安民途中黔赤人人誦讀仁風懸額身正令
行刑部員外郎楊所贈聯句森嚴號令三軍
肅仁愛聲名萬姓揚七年回軍防勦永安八
年進勦建郡大破髮賊於松溪城下六月移
軍西津二十八日大破髮賊於政和城下七
月初一日克復政和奏陞叅將賞換花翎十
二月領軍進勦連城限到營日期五日內克
復城池從優奏獎九年春會同軍勇分三路
進勦親冒矢石鼓勵將士奮勇爭先大獲勝

仗殺死髮匪數千賊首石國宗聞予軍至曰
半目妖頭至矣星夜逃走至安營至克城纔
五日奏陞副將欽賜堅勇巴圖魯二月護
理汀邵總鎮十年率汀州軍敗髮賊於隘下
追至瑞金城在隘十五日草食露宿與士卒
同甘苦是時汀州無糧守隘軍士無所措辦
自捐俸銀六十四兩以爲之倡自太守以至
紳民商賈人等皆有捐助兵餉粗足汀州復
安於同治元年護理泉州提督二年署建甯
總鎮接任後卽統軍征勦所屬三年七月回
署於九月初七日積勞病故任所生三子長
雙祿咸豐三年捐修海疆炮臺奉旨獎議
叙縣丞隨轅効力以克復松政連城欽賜
同知銜以知縣留閩補用署理武平縣歿於
任所次敦倫議叙遊擊留閩補用
三明倫議叙鹽課大使福建補用
劉 峩 廣東巡撫直隸總督北洋大臣內轉兵
廣虞邑庠生後移居單縣由宛平縣漸擢

部左侍郎升兵部尙書太子太保兼都察院
右都御史庚戌科武會試大總裁 賞穿黃

襦褂 賞戴雙眼花翎 御賜
紫禁城騎馬 予謚恪簡

忠烈

張寶鏐

字凝初道光甲午科舉人辛丑科進士
分發安徽歷署天長桐城建德等縣道

光甲辰科江南鄉試同考官道光二十八年
補授太湖縣二十九年蛟水發將土堤城垣

縣署盡行冲塌軫念災黎詳請緩征次年築
石堤修城垣三載而工竣民於通衢樹旗大

書萬家生佛四字禁開山而親課蚕桑修豐
備倉積穀以防歲荒課土優獎躬親校閱廣

西髮逆猖獗擾害兩湖太湖爲九省通衢自
道光三十年至咸豐三年兵差繹絡咸豐四

年冬髮逆陷城巷戰力竭罵賊而死當經安
徽撫院福奏請卹典奉 旨加贈知府銜

世襲雲騎尉襲次完時給予恩騎尉世襲罔
替賊盤踞太湖六載俟克復後其子焱煌前
赴太湖尋覓尸骸據太湖老民云眼見尸破
賊焚印被賊毀苦尋卒未得因招魂歸塋其
太湖紳民迎柩痛哭者道路不絕且多詩歌
頌揚其德輓聯云彼蒼尙可問乎成敗非所
計利鈍非所知危城而誓守之報國捐軀悲
夫白髮在堂黃口在抱我公洵無憾矣節義
於此振廉恥於此昭青史宜首褒也
明禋遠祀快哉生爲名士沒爲忠臣

劉以檢

字嘯山四庫館議叙府經歷投効浙江
軍營保加六品銜以州同通判補用

咸豐三年粵匪竄擾歸德
郡城禦賊力戰被害奉

旨

照七品官例

賜卹

諭祭墓入祀

昭忠祠雲騎尉世襲恩騎尉罔替

孝子

范存誠

字敬一邑庠生著有孝行錄年十三歲母氏耿患消渴奉侍湯藥不一假奴婢

手晝夜榻前歷三寒暑而無倦容逮病劇不時呼飲公製一壺抱之有頃輒至此固人子事親之常而出自冲幼之年殊可異耳族長士望以孺慕性成褒之邑侯龔以謝柑孟荀表其門邑侯王又表以敦行孝弟鄉里文學之士咸爲歌詩以贈公每一見及未嘗不嗚咽流涕也值父治平公疾革亦如喪母時殯塋悉如禮公四子長建捷次報捷連捷中捷皆能自立而建捷以例任寧波府四明驛丞兼管巡檢事恭遇單恩賜贈父母如其官雖名位不顯亦足見不匱之思

孫玉堂

性情和順孝友溫恭親鄰咸愛敬之其父寶善在衙前開舖光緒辛巳年五月

二十七日夜半室內火起玉堂奔救不知其父他出冒火入尋烟火封門匍匐得出遍体